

NOTIS PRIVASI

Di Modalku Ventures Sdn Bhd ("**Funding Societies**"), kami menghormati data peribadi anda dan kami berusaha untuk memastikan bahawa data peribadi anda dilindungi. Keselamatan data peribadi anda penting kepada kami dan kami akan mengambil langkah fizikal, teknikal dan langkah yang teratur yang sesuai untuk memastikan keselamatan dan kesulitan data peribadi anda. Notis Privasi ini menggariskan bagaimana Funding Societies mengumpul, menggunakan, memelihara dan mendedahkan data peribadi anda berhubung dengan perkhidmatan kami dan bagaimana Funding Societies melindungi data peribadi anda.

1. Pengumpulan Data Peribadi

Anda mungkin diminta, mungkin telah membekalkan dan mungkin terus dari masa ke semasa diminta, untuk memberi maklumat, termasuk tetapi tidak terhad kepada, maklumat untuk membuktikan identiti anda, latar belakang (termasuk gambar), alamat, nombor telefon, emel, alamat IP, sistem pengendalian, jenis pelayar internet, butir hubungan, data kewangan, maklumat kredit, rakaman audio dan maklumat lain dan data yang dihasilkan atau yang dibekalkan oleh anda apabila anda memohon produk dan/atau perkhidmatan kami ("**Data Peribadi**"). Kami boleh mengumpul dan mendapatkan Data Peribadi daripada anda atau daripada pelbagai sumber, termasuk tetapi tidak terhad kepada penyerahan yang sama apabila anda memohon sebarang produk dan perkhidmatan kami; daripada hubungan anda dengan kami; daripada rakaman litar tertutup (CCTV) yang dipasang di premis kami; daripada apa-apa analisis penggunaan dan pengurusan akaun/fasiliti anda dengan kami; daripada sumber awam dan pendaftaran awam yang tersedia; daripada pihak berkuasa kerajaan, pihak berkuasa kawal selia dan/atau agensi penguatkuasaan undang-undang; daripada pihak ketiga atau sumber lain di mana anda telah memberikan persetujuan anda untuk mendedahkan yang sama dan/atau jika tidak selainnya terhad; daripada mesyuarat, acara, seminar, persidangan, ceramah, *road show*, kaji selidik yang dianjurkan atau ditaja oleh pihak kami; dan/atau daripada maklumat yang dibekalkan dan/atau dikumpul apabila anda melayari laman web kami, termasuk penggunaan peranti mudah alih anda atau alamat IP computer atau daripada maklumat yang dikumpul melalui *cookies* di beberapa laman web kami. Kami menggunakan *cookies* untuk beberapa tujuan, termasuk tetapi tidak terhad kepada, untuk tujuan menyimpan pilihan keutamaan untuk jenis maklumat atau produk tertentu, untuk analisis lanjut dengan tujuan untuk menyediakan produk dan perkhidmatan kepada anda, untuk meningkatkan mutu produk dan/atau untuk menyediakan perkhidmatan kami mengikut citarasa anda. Anda boleh menetapkan tetapan pada pelayar internet anda dan/atau peranti mudah alih anda supaya anda akan diberitahu apabila anda menerima sebarang *cookies* atau alat penjejakan yang serupa. Sila rujuk dokumentasi pelayar internet anda untuk memeriksa sama ada alat penjejakan telah didayakan pada pelayar internet dan/atau peranti mudah alih anda atau untuk mematikan *cookies* sekiranya anda tidak mahu maklumat anda dikumpul melalui penggunaan *cookies*. Anda mempunyai pilihan, pada bila-bila masa, untuk tidak membekalkan Data Peribadi anda kepada kami, namun harap maklum bahawa kegagalan untuk membekalkan Data Peribadi anda kepada kami mungkin akan mengakibatkan Funding Societies tidak dapat menyediakan produk atau perkhidmatan kami kepada anda.

2. Penggunaan Data Peribadi

Sepanjang penggunaan perkhidmatan kami, kami boleh menggunakan, memproses, dan/atau mendedahkan Data Peribadi anda untuk tujuan yang berikut di dalam/atau di luar Malaysia ("**Tujuan yang Dibenarkan**"):-

- i. untuk menilai dan memproses permohonan anda untuk produk dan/atau perkhidmatan kami;
- ii. untuk tujuan komunikasi dengan anda termasuk menjawab sebarang pertanyaan dan/atau aduan anda dan menyelesaikan sebarang pertikaian;
- iii. untuk mengurus dan memelihara akaun anda/kemudahan anda dengan kami;
- iv. untuk menjalankan penilaian kredit untuk mengesahkan kelayakan kredit/kewangan anda dan untuk membantu institusi kewangan yang lain untuk menjalankan pemeriksaan credit;
- v. untuk menilai keperluan kewangan anda;
- vi. untuk menggunakan yang sama untuk pakatan strategic, jualan silang, pemasaran dan promosi;
- vii. untuk memelihara sejarah kredit anda untuk rujukan sekarang dan masa hadapan;
- viii. untuk mengesan jenayah atau penipuan, dan menggunakan dan mendedahkan yang sama untuk tujuan penyiasatan, pencegahan, pendakwaan dan pematuhan terhadap sekatan, termasuk *know your customer (KYC)* dan tujuan penyaringan *politically exposed persons (PEP)* secara berkala;
- ix. untuk membalas kepada syarat-syarat keperluan proses undang-undang sivil atau jenayah dan/atau untuk tujuan pematuhan peraturan dan/atau sebagaimana yang dikehendaki oleh undang-undang atau peraturan;
- x. untuk mengutip apa-apa hutang yang perlu dibayar atau terhutang dan melaksanakan tanggungjawab anda kepada kami;
- xi. untuk menggunakan dan mendedahkan perkara yang sama untuk penyelidikan pemasaran dan analisis statistik dan kaji selidik dengan matlamat untuk meningkatkan mutu produk dan perkhidmatan kami dan pembangunan produk;
- xii. untuk memberi anda maklumat mengenai produk dan perkhidmatan kami dan pihak ketiga yang mungkin menarik minat anda;
- xiii. untuk membandingkan maklumat/data untuk tujuan ketepatan rekod kami, dan untuk mengesahkan yang sama dengan pihak ketiga;

- xiv. untuk menggunakan yang sama untuk penyelidikan, reka bentuk, dan peningkatan produk dan perkhidmatan kami, proses operasi dan perniagaan;
- xv. untuk menyokong perniagaan, kewangan dan pemantauan risiko, perancangan dan membuat keputusan;
- xvi. untuk mengendali aduan dan pertanyaan;
- xvii. untuk menggunakan dan mendedahkan yang sama untuk audit, pematuhan dan pengurusan risiko;
- xviii. untuk memindahkan atau menetapkan hak dan kewajipan kami di bawah mana-mana terma dan syarat yang mentadbir hubungan kami dan anda;
- xix. untuk menggunakan yang sama untuk khidmat luaran perniagaan dan operasi *backroom*;
- xx. untuk menggunakan dan mendedahkan yang sama atas sebab keselamatan;
- xxi. untuk memindahkan Data Peribadi anda ke bidang kuasa asing untuk membolehkan apa-apa urusan niaga merentas sempadan, untuk pelaksanaan kontrak, untuk tujuan prosiding undang-undang, atas permintaan bertulis daripada pihak berkuasa atau pihak berkuasa atau badan pengawalseliaan asing, untuk melindungi kepentingan penting anda atau di mana ia adalah demi kepentingan awam untuk berbuat demikian; dan/atau
- xxii. bagi apa-apa maksud lain yang diperlukan atau dibenarkan oleh mana-mana undang-undang, peraturan, perintah dan/atau garis panduan.

3. Pendedahan Data Peribadi

Data Peribadi anda yang disimpan oleh kami akan kekal rahsia pada setiap masa. Tetapi, untuk memberi anda produk dan perkhidmatan yang berkesan dan berterusan tertakluk kepada mana-mana undang-undang, peraturan dan garis panduan dan untuk Tujuan yang Dibenarkan, kami mungkin perlu mendedahkan Data Peribadi anda kepada pihak-pihak berikut:

- i. ejen, syarikat induk, anak syarikat, sekutu dan syarikat bersekutu Funding Societies;
- ii. penasihat profesional, kontraktor, penyedia perkhidmatan, agensi pengutip hutang, dan ejen lain kami yang mempunyai perjanjian kontrak untuk beberapa fungsi dan perkhidmatan kami;
- iii. biro kredit, agensi pelaporan kredit, agensi rujukan kredit, agensi penarafan, penanggung insurans dan/atau broker insurans;
- iv. penyedia perkhidmatan kewangan berhubung dengan produk dan perkhidmatan yang anda ada bersama kami;
- v. mana-mana peserta sebenar atau yang berpotensi atau pemegang serah haka tau penerima pindahan hak dan/atau kewajipan kami di bawah sebarang transaksi antara kami dan anda;
- vi. mana-mana penjamin atau pembekal keselamatan untuk produk dan/atau perkhidmatan yang kami berikan kepada anda;
- vii. mana-mana pihak berkuasa atau pengawal selia, termasuk pengawal selia asing untuk melaksanakan fungsi mereka, atau mana-mana pihak yang dikehendaki oleh mana-mana undang-undang atau mana-mana kerajaan, kuasi-kerajaan, pentadbiran, mahkamah atau tribunal;
- viii. rakan strategik/perniagaan yang mempunyai hubungan dengan kami untuk produk dan perkhidmatan tertentu;
- ix. mana-mana pihak yang terhubung dengan penguatkuasaan atau pemeliharaan mana-mana hak kami di bawah perjanjian anda dengan kami; dan/atau
- x. mana-mana pihak yang diberi kuasa dan/atau disetujui oleh anda.

4. Perubahan pada Data Peribadi

Anda berhak mengulas Data Peribadi yang dikumpul oleh kami mengenai anda dan meminta pembetulan kepada Data Peribadi tersebut. Sekiranya terdapat sebarang perubahan pada Data Peribadi anda atau jika anda percaya bahawa Data Peribadi anda yang kami pegang adalah tidak tepat, tidak lengkap, mengelirukan atau bukan yang terkini, sila hantarkan permintaan anda kepada Pegawai Data kami (info@fundingsocieties.com.my) dan catatkan nama dan nombor NRIC/nombor passport/nombor syarikat, butiran permintaan anda, bersama-sama dengan dokumen sokongan. Bayaran mungkin akan dikenakan untuk perkhidmatan ini. Kami akan membetulkan atau mengemaskini maklumat/data anda secepat mungkin. Untuk mengelakkan sebarang keraguan, Pegawai Data boleh meminta maklumat atau dokumen lanjut daripada anda untuk mengesahkan identity anda dan kesahihan permintaan yang dibuat dan apa-apa maklumat lain yang berkaitan dengan pembetulan yang diminta.

5. Pemadaman Data Peribadi

Persetujuan yang telah anda berikan kepada kami untuk pengumpulan, penggunaan dan pendedahan Data Peribadi anda akan tetap sah sehingga anda menarik balik persetujuan yang sama melalui arahan bertulis. Kami membenarkan anda untuk memadam Data Peribadi anda (kecuali maklumat yang harus dikekalkan oleh kami untuk mematuhi keperluan undang-undang atau pengawalseliaan, tujuan penyimpanan, atau jika terdapat alasan yang sah di bawah undang-undang untuk berbuat demikian, seperti tuntutan undang-undang dll.) dari pangkalan data kami atau meminta kami untuk menghentikan pemprosesan semua atau sebahagian daripada Data Peribadi anda dengan memberikan arahan bertulis kepada Pegawai Data kami. Kami akan memerlukan jangka masa yang munasabah untuk memproses notis arahan bertulis yang sedemikian. Harap maklum bahawa selepas kami memadam Data Peribadi anda, kami mungkin tidak dapat memberikan tahap perkhidmatan yang sama kepada anda kerana kami tidak lagi menyimpan tetapan pilihan anda.

Kami berhak untuk mengambil tindakan yang perlu sekiranya kami merasakan bahawa pemadaman atau pemberhentian itu akan menjejaskan penyediaan produk dan perkhidmatan kami atau memenuhi kewajipan kami dengan baik. Ini termasuk hak kami untuk menolak untuk menyediakan atau menghentikan sebarang kemudahan, produk atau perkhidmatan kami kepada anda.

Sekiranya anda telah meminta supaya kami mengalih keluar atau menghentikan penggunaan Data Peribadi anda yang telah kami umumkan kepada awam dan dimana terdapat alasan yang sah untuk pemadaman atau pemberhentian tersebut, kami akan menggunakan langkah yang munasabah dan kos efektif untuk memberitahu pihak ketiga yang memaparkan Data Peribadi anda atau menyediakan pautan untuk memadam yang sama.

6. Pemindahan

Anda mempunyai hak untuk menerima Data Peribadi anda yang telah dibekalkan kepada kami dalam format berstruktur, yang biasa digunakan dan boleh dibaca oleh mesin dan anda mempunyai hak untuk meminta kami memindahkan Data Peribadi tersebut kepada pihak lain. Sekiranya anda ingin memindahkan Data Peribadi anda kepada pihak lain, kami hanya boleh melakukannya di mana secara teknikal ia boleh dilaksanakan. Kami tidak akan bertanggungjawab atas keselamatan Data Peribadi atau pemprosesan yang sama setelah diterima oleh pihak ketiga. Kami mempunyai hak untuk menolak pemindahan anda jika pemindahan tersebut akan mengganggu hak orang lain (mis. sekiranya pemindahan Data Peribadi tersebut akan mendedahkan maklumat orang lain).

7. Profiling

Kami boleh memproses sebahagian data anda secara automatik, dengan matlamat menilai aspek peribadi tertentu (profiling). Sebagai contoh, kami mungkin akan menggunakan profiling itu atas keperluan undang-undang dan peraturan tertentu, untuk melawan pengubahan wang haram, pembiayaan keganasan, penipuan, penilaian terhadap risiko dan kesalahan yang boleh menimbulkan bahaya kepada aset-aset.

8. Pertanyaan dan Aduan

Anda mempunyai hak untuk membantah pada bila-bila masa pemprosesan Data Peribadi anda untuk tujuan pemasaran langsung, dan profiling berkaitan dengan pemasaran langsung setakat yang dibenarkan di bawah undang-undang Malaysia, dan pemprosesan Data Peribadi anda untuk Tujuan yang Dibenarkan. Sebarang pertanyaan, permintaan, kebimbangan, aduan atau pelaksanaan hak anda berkaitan dengan penggunaan Data Peribadi anda boleh ditujukan kepada Pegawai Data melalui yang berikut:

Pegawai Data

(*Customer Experience*)

Tel: 03 2242 1018

E-mel:

info@fundingsocieties.com.my

Dengan memohon, menggunakan atau terus menggunakan perkhidmatan kami, termasuk apa-apa hubungan kontrak lain yang mungkin anda ada dengan kami, anda akan dianggap telah menerima dan bersetuju dengan terma Notis Privasi ini. Jika anda tidak bersetuju dengan terma-terma di sini, sila hubungi kami melalui butiran perhubungan seperti yang tercatat di atas.

9. Perubahan kepada Notis Privasi

Harap maklum bahawa kami boleh mengemaskini Notis Privasi ini dari masa ke semasa melalui penyiaran di laman web kami. Anda dinasihatkan untuk melayari laman web kami secara berkala untuk sebarang kemas kini atau versi Notis Privasi kami yang terkini. Penggunaan berterusan perkhidmatan kami atau hubungan yang berterusan antara kami dan anda akan dianggap sebagai penerimaan sebarang kemas kini, penyemakan atau pindaan yang dibuat kepada Notis Privasi kami.

10. Bahasa

Notis Privasi ini dikeluarkan dalam kedua-dua Bahasa Inggeris dan Bahasa Malaysia. Sekiranya terdapat sebarang percanggahan antara dua versi ini, versi Bahasa Inggeris akan diguna pakai.

11. Persetujuan dan Pengakuan

Dengan membekalkan kami Data Peribadi anda, anda dengan ini membenarkan penggunaan, pemprosesan dan/atau pendedahan Data Peribadi anda mengikut Notis Privasi ini. Jika anda merupakan sebuah syarikat di mana anda telah menyediakan/mendedahkan Data Peribadi pihak ketiga termasuk tetapi tidak terhad kepada pengarah anda, pemegang saham individu, pekerja, penandatangan yang diberi kuasa, ejen, wakil atau sebaliknya, anda dengan ini mewakili dan memberi jaminan kepada kami bahawa anda telah mendapatkan persetujuan mereka dan berhak untuk memberikan Data Peribadi mereka kepada kami untuk digunakan, diproses dan/atau didedahkan mengikut Notis Privasi ini.